

蘊
悵
閣
詩
集

繼懷閣詩集卷第十

鎮洋 盛大士 子履

戊寅

新歲吟

歲行不可追坡老之所惜今日是元日昨宵尙除夕千春
一瞬逝百歲寸晷積吾生無所好惟有文字癖詩存不滿
千生年將半百拉雜悔少作浮剽鮮實獲近頗耐苦索一
稿四五易不使閒歲月黃金虛牝擲春風飄然來吹我詩
鬢白新詩甫吟成新年已如客

春望

玉河水淺漾晴霞邸第樓臺麗歲華吹路暗塵飛作霧抱

林殘雪散成花 賜錢父老懽承澤種麥郊原喜放芽調
燮元功資宰輔免教陽雨動咨嗟

人日集長椿寺觀銅塔聯句

攝提貞孟陬歲序換僧臘大精蓋郊轡憩韶曙朋簪盍周
堅溫磨鬪丈室靈光燭華闔徐元五行制鉢龍千佛護鈴

鷓大範銅鬱嵯峨塗金繞匝堅鏤第七寶裝鏤盪一尖

合元替戾劬禿當剽棧憂鏗鞞大輝熒瓔珞垂吼聽蒲牢

答堅慈雲遠周遮祥煙近振潛元嵐青空獨撐磨翠朽若

拉大壽宮天人姿水齋布衣衲堅達摩甘露門玉女飛花

閣元連搖白鶴羽珠綴雙鳧大舍利放光明須彌涌稠

沓堅會聞宮輦幸雲罕晻瓊斂元三輔若磧稅九府侈獻

納大黃門暱豎刁綠衣嬖嫫始日高皇闢洪基歷祀二百

卉元樸斲毀獲丹堂構壞茸闌大鋒鏑滿邊陲竿槌久騰

踏日毀佛昔鑄錢周宗道不雜元何不鏃琳華藉茲釜餽

輞大糜帑擲鉅萬浮屠架娑馭日靈剎閱滄桑福地轉蕭

颯元冷芒七星高曇華五雲飲大清遊賞良辰俊侶話禪

榻日思如蘭眠蠶身肖羸寄蛤元菜把呼添盤米汁戒攜

榼大三乘叩跣趺半偈禮挂搭日合十各讚嘆花雨墜香

塔元

夜同顏編修伯燾黃明經釗醉飲李十一樞部涵

齋中

新年多酒病倦眼羨春歸不有素心友那能豪興飛閒官

花月夜野客薜蘿衣漏盡曉鐘動禽聲出翠微

漫成東厚夫侍御秋士孝廉

長安賓客滿友誼故鄉真意氣傾肝膽詩書慰賤貧燭銷
青髡影劍拂素衣塵窮達關時命休尋賣卜人

巷口寓公宅城南處士家月寒前歲雪風亂後番花禮數
虛文畧詩篇險境誇客中况味澹此樂最無涯

塵榻臨蕭寺霜鐘徹夜縱附書沉水驛飛夢落滄江廢簡

驅鼓蝨殘膏續半缸愁城高築壘不受酒兵降時余聯家書甚切

燕九節厚夫侍御招同周庶常貽徽游白雲觀瞻

邱真人像

岩堯琳宇枕郊垞雲氣迴翔窈窕屏三面城樓涵遠碧一

痕嶺樹削空青石床卧月馴猿鶴玉甃燒丹護甲丁欲向
長春問圭旨塵容多恐免仙靈

西便門野眺

匹馬西郊逐隊行玉鞭遲日麗新晴白雲倒向樹梢出碧
艸暗從城脚生槐市纔過試燈節豐臺已聽賣花聲來鴻
去燕知多少欲賦春愁竟不成

同龍子嘉修撰

汝言

集藤花館卽事

幽居遠市塵佳客去來頻簷霧不成雨園花何處春禮文
迎送畧詩卷性情真倚杖門前立郵農話苦辛

時方
賜雨

喜徵輿書至

雨雪鄉關一年別車輪亂轉九迴腸可憐老至長爲客忽

報書來喜欲狂
幾日酒懷生感觸
今宵夢境得康莊
蘇臺煙水涵春色
流照燕臺落月光

時瑛兒館於吳門

書齋卽事

嬾逐金貂珠履遊
書齋景物愛清幽
未除文字三生癖
聊把壺觴萬事休
晴雪滴花疑聽雨
春禽啼樹若驚秋
孤燈夜半江南夢
簾笠煙波一釣舟

春日書懷

冠蓋通衢騁列駒
短筇扶病獨登樓
一春醉眼驚華髮
千里傷心悔浪遊
細草有香迷遠道
野煙無夢落孤舟
寂寥世事兼身事
振觸新愁與舊愁

四十餘年過隙駒
半生心事付江湖
白頭禿筆窮難送青

史名山道不孤人羨封侯誇定遠我慚著論號潛夫
藎鹽隨分消清福羸癯終身饜腐儒

東方索米計終非况復長安值歲饑中渚但看鴻雁集
高原何處稻粱肥村堤艸淺雲微護野館苔荒雪亂飛
發粟五城敷

帝澤負暄更見授寒衣

去歲畿輔旱災自冬十月至今春二月

饑并給綿衣四千件

斥堠風清免戍徭豫齊氛祲已全消却欣撫郵資賢牧尙
恐因循負

聖朝同谷詩篇餘涕淚春陵風景自蕭寥迴腸百轉愁千
疊酒半殘燈且自挑

連晨春睡怯餘酣紙閣風尖冷未堪花發胭脂吟代朔雁
廻書札話天南田園生計全非昨萍梗浮蹤百不諳聞道
江鄉多雨雪淮揚饋運困丁男

艸長鶯飛二月春輕陰漠漠正愁人花前風雨離懷觸天
末雲山望眼頻老矣一盤餘苜蓿依然十載倦蹄輪何時
便約江鷗伴水狎沙眠慰苦辛

李虎觀司馬輓詩

萬里滇池失故人十年宦海嘆沉淪不知涕淚從何落尙

冀傳聞或未真山墅停車吟杜牧竹湖投轄憶陳遵

君居虞山

之竹湖南墅己巳秋余寓君齋共訪吾谷楓林以詩酬倡謝公絲竹多悲感柳絮風飄

黯愴神

生香閣媛君之愛女也詩詞妙絕適武林何氏旋以病夭君在滇中聞信傷悼因之得疾

黃香鐵劍有獲鹿之行匆匆未及贈詩別後作此

以寄

愁聽驪駒送別歌留行無計悵如何
依人王粲雄心少避俗虞翻傲骨多
雪點燕山澄霽月風寒易水咽春波
青鏡展取君詩讀夜夜精芒出太阿

聞雁和厚夫侍御韻

寒沙曾印跡春渚又呼羣
余亦江南客偏從剡北聞
五更醒遠夢隻影逐歸雲
辛苦關山月年年來往紛

二月十四日大風

花朝纔二日忽作妬花風
遠岫失空碧鶯禽啼亂紅
酒醒殘照裏春老軟塵中
閉戶成余懶朋箋隔未通

徵瑀書至勸余來春勿復赴試早息影於首蓿盤
中且云科名得失無足介意惟名山著述其樂爲
無涯耳瑀兒年少不應作此頽散語然見地頗高
且其爲我計者甚善因作此以答之

隔歲不見汝見書慰老懷清輝千里共遠夢一鐙偕靜裏
道心定澹中詩味佳不須怨搖落香艸葆根荂

門祚嗟如此清芬恐墜今衰遲困衣食羈旅促光陰浪走
成吾老飛騰望汝深莫嘲譽兒癖爲切紹弓心

觀長椿寺所藏明烈皇生母孝純劉太后圖像

寺內

舊藏明神宗母李太后九蓮菩薩及莊烈帝母劉
太后圖像今所見戴毘盧帽衣紅錦袿裳者乃劉
太后像也寺僧
誤指爲李太后

花影瑤臺第幾重
珠林春闈孝純容
生綃吹落瓊鈎響
夜雨蒼苔夢濯龍

環珮春風出世姿
午門法駕跪迎時
絕憐信邸乘龍日
哀慕長銜寸艸思

玉階寒月澹斜暉
莫辨丹青是與非
瀛國太妃蒙詔問
捧香含淚認依稀

跨鳳前身證佛因
當年畫苑紀庚辰
官娥頭白談遺事
零落秋槐淚滿巾

楊椒山先生祠

前朝忠愍宅
片石諫書留
花艸自春色
風雲生暮愁
三年冤獄具
九死國恩酬
抗疏非沽直
平生廟社憂

題徐桓生

述虔

居庸覽秋圖

塞州飛沙白關榆落葉黃角聲五更壯秋色萬山荒匹馬
遠行客危亭古道旁愁看南去雁恨不凍蹄方

雜詩

崔崔剡門山上巽青冥連物表覽神秀願言升其巔飛廉
導旌飾中道傷遷延縲馬倚閭闔曖曖翳夕煙豈不羨扶
搖會合固有緣浮雲幻朝暮變態殊萬千

春風東方來枯樹吹作花胡不改霜鬢鬢雲媚容華高臺
集衆賓廣座杯流霞樂酒在今夕吾生固有涯夕陽墓門
樹松楸噪歸鴉當年貴游子羽騎馳駟馭

名都盛歌舞繁會紛五音妙采炷羅繡雜佩鏘瑤琳宛虹

曳長綏白馬銜黃金騰山與赴壑躡景馳駸駸芳原一縱
目雜英茂春林信美非故鄉愁懷故難任蕭蕭代朔馬啾
啾越南禽代馬逐我影越禽憐我心

愁思苦煎迫心旌日搖搖吉凶問詹尹筮得睽孤爻我生
多疾疾廿載顛沛遭門祚嘆衰薄骨月異地遙爲巢慎陰
雨戴山憐憔悴已矣勿復道淒然淚清宵

驅車上修坂我馬行不前元黃病難起骨幹弱可憐嗚咽
聞哀嘶何忍重加鞭長楸翳落日驚沙吹滿天風髮與霧
鬣顏色慘不鮮驂駒困伏軛失意在少年期汝遇良樂養
此毛質全

季子歸洛陽翁子守會稽多金跪倨嫂驟貴羞故妻世態

固如此抑鬱安所疑男兒重志節遑戀組與圭拔劍中夜
起喔喔聞寒雞

堂前生芝蘭堂上雜荆杞深恐蔓艸滋芳華損其美毫毛
不早拔致勞斧與錡衆芳易蕪穢借此桃與李愁絲逐飄
風繚亂不能理

讀史覽興廢邈焉憬前修胸中不平事鬱此萬古愁忠孝
遭罪放信義召謗尤蒼蠅混黑白獨行宵小讎盛采忌炫
飾潛璞歸貞幽籠禽毛羽推霜雪哀啁啾羨彼雙黃鵠高
飛凌九州

春遊駕駟驪顏飾誇美好眼見新少年心念舊耆老天天
園中桃萋萋原上艸旣嗟春風遲又感秋霜早西山古松

栢貞心不枯槁

屈靳異忠佞同朝事君王蘇李合情悃乃在天一方仰首
望河漢蟾蜍蝕晶光昔同衾與幃今如參與商人生百年
壽半爲憂患傷何時太行山崎嶇化康莊

衆口亂訾讒燦金累清修能忍終有濟勝剛莫如柔南山
殷其雷晴曦變昏幽鳳凰失所托下與鶉鷄遊德輝覽而
下置網不誤投

馮唐仕郎署白首嗟沉埋揚雄識奇字投閣晚節垂高名
遭物妬才望基禍胎正聲叩宮角瓦釜難爲諧江河揚其
波洪流渺無涯秋風吹締綵淒其傷我懷

次韻答徐孝廉

元潤

細雨孤燈起嘆嗟一編脈望舊生涯補天欲煉靈媧石貫
月難逢海客槎秋水閒情沙際鳥春山倦眼霧中花五陵
衣馬金門客拜袞人呼鄧仲華

玉臺秀句絕塵寰孝穆風流庾鮑間滄海源頭皆活水匡
廬面目是真山才鋒儘許千軍掃進境還嚴一字刪楊散
心情憐退鷁藉君靈藥砭慵頑

越水吳山雁跡分天涯別路夢休文三年浪走違鄉國千
里神交戀故羣許我歲寒盟皓首勗君才望屬青雲異時
車笠如相憶周北張南話梓枌

漫梳蓬鬢學曹婆青鏡年華喚奈何空有客陪捫蝨話更
無人問飯牛歌萋迷柳巷春光少蒼莽榆關朔氣多醉檢

篋中殘畫藁綠波江上釣魚蓑

終風三章

終風狂且暴卷我屋上茅牽蘿不及補綢繆空爾勞不念
鬻子園爲鴟復爲鴟天寒日色薄黯慘長林梢勗茲鳳雛
翼雲中任飛翺

終風陰其霾損我田間麥折穗萎深黃抽萌失新碧已孤
望歲懷枉見雪三白撼地轟成雷汗田曠無澤近淚灑乾
土顓天訟風伯

終風太無情推我園中花傷彼艷冶姿飄蕩落誰家非無
向榮意爲爾彫容華不思扇陽和千里揚塵沙殘英剩晚
馥惡爲護紅紗

香鐵自獲鹿寓書兼示移榻東軒之作疊韻三首

答寄

卜鄰居數月短榻話長椿之子不相見落花何處春酒腸
三斗熱生計一瓊貧誰與慰離索天涯氣味真

半絲江店柳蒼鬻楚南椿覽秀洗塵目新詩含靜春名山
遠游富旅食著書貧喜得君消息郵緘字字真

近闢東軒好扶疎蔭老椿屏開千仞秀綠借半山春吾道
關時會斯人豈賤貧鹿泉寓公地未許久棲真

鍾仰山學士 昌 齋中小集兼柬周小石 昌 陸範

庵 模

二子浹旬別相逢各黠然客途新著作鄉夢舊山川談笑

空千古團樂共一瓊庭前花木好應識主人賢

風霾篇

一春苦久旱九埜飛黃塵孟夏月初八降旨賊見聞清辰
日無光亭午炎如焚薄暮天色赤千里蒸火雲黑風東方
來咫尺不見人倏疑入幽都長夜無昏晨蟄龍不銜燭暗
壁搖鬼燐忽聞山之陽雷車震殷鞞慘澹天王旗虎豹叫
九關長林掃靈霧微茫辨殘曛陡若天開子重見人生寅
粵稽五行傳咎徵非無因

詔書求直言曰咨女羣臣二十有三年朕爲天下君其各
體朕意敬天而勤民南臺應

明詔諫艸拜

紫宸曰臣昧死上忌諱不復存我

皇理萬幾宵旰深憂勤民欲天必從民富君不貧政體挈
綱領治絲乃不勞細故勿苛察小廉何足云官庭侍密勿
問誰掌絲綸衣鉢受和老布被嗤平津模稜習巧宦疲玩
甘因循何以答

恩寵媿此佩與紳煌煌諫官疏剴切動

至尊

聖心遇災懼精誠感蒼雯乾惕厲无咎震躬于其鄰下蘇
小民困上答皇天仁浹旬甘雨來燥土輒可耘二麥雖不
揀黍苗漸懷新乃知天人際感召疾若神郊原一覽眎生
意來欣欣虛臆客夢破簷溜滴夜分晨擁山萬綠

干巡紆此杞人憂樂此閒中身

館中有紫藤一架因旱半枯前日得雨藤花復開
詩以賞之并邀主人屬和

百日望雨雨不來老藤枯死無新葦焦皮剝蘚苔
局生意婆娑安在哉輕寒野陰翳庭樾太息羣芳
此消歇誰知薄潤灑林梢已入花心浸花骨初見
槎枒發嫩枝漸看紫絡已垂垂東風護花有深意
看花不怨花開遲主人近日詩頗少憂旱心情怒
如擣今晨一笑醉藤花我亦因之接離倒

端午日陸子鐵

元文

以詩約續去歲江亭之遊尋

以憚暑不果次韻賦答兼示諸同人

平生不作祭神澆酒船頭買入蜀經蠻不言苦又不能折
腰低眉事貴倖沾丐壺漿漬泥土山中麤蕪與蘅杜落落
疎星各三五霜豪秋兔不盈寸手接飛猱射猛虎挑鎧重
讀去年詩懷抱蒼茫孰傾吐青山三百六十日夢與孤雲
共軒舞忽而塵事苦刺促負此騷壇風月主火雲歷山飛
鳥絕坐使清氣隔臟腑招涼難買徑寸珠調語紛陳五雜
俎空有青驄倦駮駟竟無綠蟻浮鸚鵡江亭無乃少顏色
何處更覓神仙侶諸君聚散如搏沙我已風塵老終窶鏡
中白髮休自笑却喜飄蕭貌漸古年來頗肖宗少文溪山
卧遊續舊譜白雲自愛野鶴性無奈樊籠困冲舉陸機文
賦亦何用與子長安作窮旅我雖未續前歲遊子已新詩

萬人許要使鴻爪印泥痕不爲鷓鴣風感繳羽

雜歌

有酒復有酒何能洗此胸中愁壁間古劍知我意天陰日
暮風颼颼男兒識字憂患始青天無情人白頭太行崎嶇
虎踞關惡灘惶恐魚吞舟翻雲覆雨變昏旦誰披肝膽懸
清秋仲連九原如可作我欲從之東海陬

北風吹落日投林之鳥啼黃昏東風動春冰出水之魚浮
綠蘋物情欣戚異所遇造化賦畀無平均亮非達士慕齊
物誰與返樸歸其真百年光陰若逆旅忽而隆冬忽炎暑
欲問仙人王子喬不識名山在何許

嚴霜不能改松柏淒風可以摧芝蘭瀟湘美人怨遲暮芳

情惜此榮華殘蘅皋落葉暮山紫憔悴秋容有如此欲折
靡蕪寄所思隔斷天涯一方水

庭前有好鳥百囀工春聲林間有名花澹冶香氣清可憐
東風三月暮夜雨淒其愁五更一鳥失侶百鳥皆哀鳴一
花搖落百花損其榮明知芳春代謝若逝水中心惻愴何
能效彼太上之忘情

一杯之水瀉地不復收一寸之影燭盡不復留王侯將相
竟安在纍纍冢墓薶荒邱嗟哉勞生縛塵鞅形骸雖具骨
先朽生年未半百白髮亂垂首百憂摻其心萬事掣其肘
嘗聞五色煉石天可補世上元無女媧手

金臺久荒蕪郭隗不可作路逢相馬者自稱良與樂驂駟

騷裏一日可以走千里胡乃十步五步氣已弱識途老馬
空爾爲戀此場苗與場藿飾以白玉轡控以青絲絡一朝
放棄山之陽野犢村犁卧溝壑古來盛名易被造物妬何
况虛名那可攫

談笑動人主博取卿相尊縱橫師鬼谷彼哉儀與秦蘭生
真奇人三寸之舌可以摧強鄰毛生雖自薦公等碌碌因
人成事非其倫侯門食客三千士爭繡平原貴公子黃金
萬鎰壁百雙姓氏寥寥著青史

韓非抱孤憤虞卿老窮愁古來著書人易遭謗與尤獨行
傲儕俗貞白矢潔修窮年守陳編兀兀不少休遑知身後
名能作斯須留君不見倉頡作字鬼夜哭從此文人少庸

福

玉京十二樓綵帳芙蓉鮮中有白兔所擣之上藥青童所
奉之琳編塵心細若髮一縷夢魂不到蓬山顛蓬山之高
高接天日色欲暮林生煙欲遠舉而無翼時延佇而迴旋
雄鳩鳴逝太佻巧不敢從之入青杏

讀後漢書作

世祖建武初久旱損麥薶詔令中都官三輔出繫囚和帝
永元中秋稼槁不收雒陽理冤獄甘澍膏田疇京房紀災
省賢聖滋殷憂恒風厥咎霜弭變勤懋修郡國察利病鰥
寡咨鞠謀漢治尙近古君臣省訾尤廟謨協羣策靈臺遊
天庥

光武紹炎祚孝明恢皇綱永平之九年蠶麥書豐穰報功
肇殷禮始議巡南陽北至祠舊宅章陵潔烝嘗六飛幸南
頓三老拜道旁校官肄雅樂笙鏞發鏗鏘本無醉飽心而
猶戒禽荒皇考昔有訓父老誌不忘十年復田租天位憂
靡常奕世廣孝思沛澤洪無疆

天象示譴譴九重降明旨百寮上封事四聰聽甚邇吏黠
不能禁人寃不能理惟其臆于心遑復逆于耳直哉鍾離
意免冠諫天子有詔勅大匠北宮役遂止危哉宋叔庠執
義不畏死駁議剪羣疑風烈重青史同朝諸尙書叩頭伏
不起庸臣好將順自古盡如此

對雨小飲聯句

新涼蘇病骨驟雨作秋聲

大士

不作世間想并忘身後名

汪彥

博

一尊誰主客萬物幾衰榮

大士

悟得彭殤等愁髭自不生

博彥

送厚夫侍御出守青州

一載慰離索又聽征馬嘶諫官賢太守雄郡古青齊防海

霜整肅看山蠟屐攜循良二千石富范政聲躋

宋富鄭公范文正公

俱守是士

祖帳都門設賓僚送遠行一麾圖報國五馬重專城舊

俗憐凋瘵新歎仰勵精待聞考最語足慰故人情

嶺南梁孝廉

貞

奉祖諱南歸詩以誌別

一去燕臺畔麻衣瘴海邊親朋齊涕淚風雪滿山川引我

別離恨愈深文字緣謝公述祖德珍重讀遺編

黃霽青太史

安濤

招飲西城寓齋以使黔集索題

漫成六絕句

好山不厭百回尋可識先生相士心
澗艸溪花遍搜採秋林過雨屐痕深

涪翁山水擅清才况是星轡奉使來
誰道黔中名勝少飛

雲

洞名

靈境隔塵埃

辰龍關色鬱青蒼百丈晴絲石路旁

不知馬首向何處石路細裊晴空絲先生

題辰龍關句也

齊唱使君新樂府獠童苗女踏歌忙

玉屏行館冷斜陽繫馬亭皋路正長
欲續離騷賦山鬼王

將軍墓艸花香

先生有玉屏弔王壯節詩

試院更闌蠟炬明
茱萸九日酒頻傾
不知何處鄉心切
玉

尺樓頭夜雨聲

先生有玉尺樓
坐雨憶弟之作

盤飧鄉味剪葵菘
邂逅金臺笑語濃
君是昌黎我東野
未妨狂態逐雲龍

寓齋晚菊呈大庾相國戴可亭先生

別業城南路蕭疎
煙水潯書齋宵漏永
花氣曉霜深疊石
青排闥流霞翠滿襟
晚香寒不散珍重魏公心

題馴鹿莊圖寄退菴黃丈

凱鈞

小築溪莊屋數楹
丈人農隱足平生
客停落日渡頭權
詩入碧天雨後城
索酒鄰翁餘野趣
啄花巢燕共閒情
高陽宅里清芬遠
誓墓非誇著述名

老樹柴門結蔭濃，綠蘿深處白雲封。更無人話世俗事，儘有酒澆塊磊胸。爲愛展書多賞析，莫嫌投刺太疎慵。山中歲月芒屨健，笑倚仙人九節筇。

對雪東劉芙初太史

嗣綰

自識劉公幹，論交我悔遲。江東文士傳，鄴下建安詩。日短歲云暮，官貧懶不知。蒼松西嶺雪，心與古人期。

東盛子履孝廉卽題其近藁

陽湖

劉嗣綰

孝章自昔得清名，歌詠朝朝見性情。比興多時詩境遠，可知懷抱自天成。

蒼寒跌宕見遺山，近體從容大厯間。忽憶家書真切語，盤中苜蓿勸君還。

蘊懔閣詩集卷第十

蘊憐閣詩集卷第十一

鎮洋 盛大士 子履

己卯

正月三日曉雪出西直門至海淀

遠岫雲如幕侵晨雪作花
鞭絲寒立馬髯影瘦飛鴉橫
粉飄絮迴風亂卷沙冥濛
西嶺色深樹酒帘斜

雪夜新霽宿大庾相國海淀別業

北闕 恩光近西園霽色清
萬花寒不落虛室暗生明
蓮箭深宵轉松醪衆客傾
僕夫催曉發更作玉山行

都下春鐙詞

絳霄鈞籟譜鸞笙
禁苑春開不夜城
八萬二千修月戶
水

晶簾幕玉簫聲

乳茶桐酒擅芳鮮
熊白鷺黃列綺筵
捧出攢犀香盒子
迴龍紫玉暗生煙

輦航藩服輸琛賚
左右賢王錫賚豐
嶽拜嵩呼齊舞蹈
無疆

聖壽頌延洪

角觚超驥技力誇
黃羊法酒出官家
魚龍曼衍陳階下
湧現吉祥如意花

晴樓璀璨五雲開
綵幔駢羅錦繡堆
惟有高句驪貢使
琉璃殿肆購書來

珊瑚萬穗簇香毬
西嶺彤雲夜不收
點綴太平真景象
百

神川嶽慶懷柔

星橋結綵流蘇帳錦樹恒春寶相花綰髻窈孃工度曲象
床醉倚拍紅牙

宣南旅舍晤周肖濂觀察

講聯

玉闕萬里客戎馬一書生檄艸掀髯就詩篇叉手成十年

空宦橐絕塞有循聲却憶江干月尊前話舊盟

吾鄉諸老輩與先生

訂交者今皆零落無存
詢及爲惘感者久之

大雪同孫明經

成彥

訪黃太史

安濤

不值作此以

寄

十日不見黃太史與到忽作城西遊城西雪花大如掌亂
卷白沙堆被裘孫登長嘯落天外飄蕭袁戴真吾儔主人

侵曉出命駕定有秀句奚囊收客來且作門外立恨無大白千杯浮春風正月倏過半花氣不上珠簾鉤燈事闌珊五更盡六街寂歷無鳴騶漫天柳花忽飄盪片片吹入誰家樓林端翠微澹欲失屋角白雲寒不流江南故園梅信早夜半翠羽啼啁啾隴頭驛使問消息附書一洗鄉關愁何不偃卧老窮巷但食糠覈吾何求黃金臺下凍驪倦梁園賓客慙枚鄒先生若歌郢中曲賤子更放山陰舟倘隨北海作座客莫笑東野爲詩囚杖頭攜錢約數百尖叉險韻重賡酬

和作

嘉善

黃安濤

子猷一去剡溪溷雪中誰復誇清遊道旁棄箕真東郭

履籬下寂寞王恭裘孝章要是天下士獨與古昔爲
朋儔性情入世異冰炭四時清氣毫端收京華旅食
忍寒餓鴻泥暫印萍蹤浮連朝滕六幻玉戲釣詩不
啻珊瑚鉤招攜孫郎過茅屋勝似對飲呼三騶豈知
雁燕巧相避未合水調歌瓊樓入春十日節候緩玉
河不見冰嘶流千畦宿麥浩一白檐禽覓食鳴啾啾
憐余出門非好事僕夫蜩縮拳毛愁歸來振衣洗鞢
韉足音三徑思羊求忽聞妙曲上繼郢儼若暖谷新
吹鄒氈簾垂地石鼎響三間矮屋如扁舟孤羸豈願
葢薄踞二鳥勿作樊籠囚瓊瑤滿街尙更踏凍毫雖

秃猶能酬

雜情詩集卷第十一
三
大雪不止霽青太史薄暮歸寓招余小飲卽席限

十藥韻

春城鎖寒氣昏且雪霰作玉戲天催詩同雲蔽虛霽振衣
交髮髻躡屐亦灑落叔度故健者招朋踐前諾盤殮走覓
市酒錢罄搜橐座無雜賓混尊有清醕酌豪情引之飛狂
態那可縛六花繞庭除萬纈散簾箔冷輝劇相通風力殊
太虐沙隄落晨雕紇干凍暝雀頗厭北地寒不如故鄉樂
風塵歎拊髀意氣尙如昨古懽幸會合壯懷藉開拓寸鐵
君不持白戰余恐却韻關一字險法守三章約掉頭興彌
高縮舌神已愕非敢參翱翔聊復博歡噓十觴罰不辭百
川波而涸饑涎欲吞虹清嘯或警鶴重彈壁上琴屢報鄰

家柝四望瑤琨鋪一罇斤斧鑿林樞挂冰柱石筍淬霜鏗
熒熒坐聽鐙簌簌響簷鐸醉歸詩夢酣蕭齋慰離索

和作

黃安濤

入春厭人事鑪頭久無作豪情避喧呶逸興入寥廓
古廟書攤收鬧市鐙火落已虛光厥游頗負登高諾
但聞車隆隆誰曳履囊橐無錢信尠懽有酒愁獨酌
盛子澹宕人不受世羈縛招之試馳箋惠然竟舉箔
爲言聲氣同敢怨雪風虐抖衣毳飄鶯入座暝噪雀
方圓不多陳冷澹自足樂新知得誠難良會幸補昨
塵中兩人閒胸次萬古拓高歌我何辭薄酒爾勿却
青雲任遭逢白首固要約彌覺狂言真遑顧俗子愕

酒闌共娖盤燭炮恣吟嘯待揚學海波坐挾詞源涸
知更莫如魚警夜願爲鶴侍立欹髯奴催歸惱街柝
乾坤夜氣嚴肝膽清境鑿破夢聞打門發函駮挺錫
綠綺鏘鳴弦黃鐘殷牛鐸春風何時來彩筆迴蕭索

和張南山孝廉

維屏

遣懷韻時余將南歸

身世無須較重輕廿年貽誤是浮名書生自合窮愁憤吾
輩還期著述爭閒對殘編成獨笑幸逢詞客附同聲何堪
會合城南路又作關山匹馬行

吳山嶺嶠兩吟身氣誼文章若有神海內每深知己感天
涯豈少素心人村帘酒薄難成醉野館花繁不當春何處
客懷遣岑寂藜床茶竈得相鄰

同張南山雜屏黃香鐵釧集小餘芳亭子分得五

言古詩一首

雲氣澹浮郭倒影落酒杯不知百年客亭中醉幾回我行
尚濡滯攜侶重徘徊忽疑故鄉樹青入西山來雜花半開
落清流自滌洄雖非境幽僻却少車喧逐身世托菰蘆魚
鳥不我猜真得放曠意眼界爲之開江山千里別暫此笑
語陪浩然發清興莫待斜陽催

同人遊小餘芳亭子四絕句

番禺張維屏

出城頓覺碧天寬矮屋疎籬當畫看一輛小車如小
艇好風吹到白蘋灘

方塘戲鴨樹翻鴉四月江村景未差除却輪蹄與塵

土不知身尙在京華

嶺樹江雲惹夢思鶯花草草負芳時何期一笑逢吳

質重向東風話鬢絲

遇吳巢松太史見示新詩有鬢絲雖換風情在之句

戴笠論交意轉真會難別易轉傷神怪他隄畔千條柳只繫鄉愁不繫人

子履將有歸志

小餘芳亭子晤吳巢松太史卽次口占韻

吟鞭郭外偶經過村酒沽來醉半酣鬪草春陰何在苒養花天氣尙冲和祇緣衢巷塵氛少已覺煙霞意味多一笑吳儂作吳語惜無小艇唱漁歌

原作

吳縣吳慈鶴

病起尋春春已過何妨買夏一顏酡芳陂鴨翅衝波

軟綠樹鶯雛命侶和漫士鄉心臨水動 帝城佳氣

傷山多髻絲雖換風情在不忘銅隄緩緩歌

黃小舟太史

玉衡

招同譚農部

敬昭

吳孝廉

梯林

孝廉

聯桂

黃明經

培芳

張孝廉

維屏

黃明經

劍集

竹垞古藤書屋分韻得屋字

涪翁餞我一尊酒索我新詩酒邊讀邀朋苦作十日留塵
詩甚患行期速城南尺五地清曠竹垞藤花舊書屋座中
嶺嶠集名流君更鄉音耳邊熟羅浮峯高瀉飛瀑萬頃松
濤互洄湫荒江詩夢十年符許我雲龍共追逐
余最喜讀屈陳梁三
家集獲會夢游南海作羅浮歌茲在
都門得與嶺南諸君唱和亦奇緣也
始信文章自有神此
間會合寧非福可惜匆匆幾信宿整頓行驂戒僮僕遂令

別緒繞迴輪絕類此花繚而曲浮生踪跡千萬里身世真
如滄海粟不聞天上參商星長照杯中酒痕綠我將入海
隨煙霧君自摩霄引鸞鶴結想雲霞異地深加餐風雨關
心祝但使河梁有蘇李不必松陵亦皮陸紫藤垂垂風謾
謾空翠西山淨如沐金臺馬蹄走躑躅笠影鞭絲窮遠目
詩成獨立髣飄蕭諸君莫笑霜毫禿

同作分得夏字

陽春
譚敬昭

驅車出黃塵休沐得清暇言招散仙來一稅鞭鸞駕
盛集青雲堂古屋紫藤架軒軒尙霞舉宛宛欲龍化
疎花眷餘春接葉宜長夏陳迹屬新構荒池倚層榭
抗懷 國初老狎主齊盟霸騷壇朱與梁流風緬王

謝大隱來金門清暉若精舍雲虬勃然興笙鶴翩而
下聲氣有必求榮名豈旁借至今一毫芒日長千金
價高談氣益振酣歌酒方罷朋儕東南美離合光陰
乍徘徊送歸風淹留惜良夜百年來者誰歡遊動悲
咤

同作分得古字

香山黃培芳

古屋鄰海波九衢得勝宇紫藤蟠清陰百年飽風雨
炎雲天際起小集共揮麈餘韻邈難卽今昔數易主
江海客同心萬里聚庭戶不樂深可惜此日足千古
豪素雜丹青是日子履卽於座中作畫談諧暢樽酌澄懷觀衆妙
好風出高樹何當折芳贈明晨悵南浦

同作分得集字

張維屏

蒼藤三百年天矯古秀出花隨絳霞飛根學怪松立
當年竹垞翁日下富著述王查時叩門湯蔣數促膝
一朝餞藥亭離筵感蕭瑟吾曹聞而知老藤見猶及

古屋傳至今粵人此焉集

今爲吾粵順邑會館

相逢操土音仿

拂返鄉邑坐中江表客轉覺歸思惡

謂子履

此身忘去

留此會喜真率所憂膏尙屯未覩月離畢何時淦淦
雲暫緩杲杲日一雨慰三農嘉苗淳然茁熱塵耳目
捐清氣肺肝入旣解相如渴復潤文通筆 九重軫

黎元虔禱意專壹天心至仁愛甘霽沛可必吾鄉亦
苦旱家書說未悉夜來有歸夢夢輒荷蓑笠茫茫人

海中自顧等蟻蝨平生所結念不在求口實蹉跎百
無補漸欲守蓬篚浩歌破羈愁古懷付新什回頭望
老藤轉類懶龍蟄

錢鶴山孝廉

之鼎

汪竺君孝廉

元爵

同集

鄭親

王邸卽事

一院夕陽裏哦詩大白浮賢王能愛士座客集名流園柳
綠堪折廣花紅尙留南歸尋舊夢猶自繞瀛洲

都門與諸同人話別

白雲曾繫故鄉心悔絕青山徑未深浪走浮塵憐失路倦
飛落日盼投林無多舊侶難爲別有約新詩且共尋欲訴
衷腸無一字只須濁酒不停斟

玉河橋畔草如茵，滿眼鶯花足惱人。
獨立斜陽勞遠望，忽吹小雨洗行塵。
築臺每恨黃金少，歸櫂空添白髮新。
記取布帆無恙也，不堪回首鳳城春。

四月輕寒未換裘，淒涼雲物似高秋。
絕憐越鳥三年侶，不散江關萬古愁。
逋客祇諳歸隱計，冷官聊作爲貧謀。
西山一片蒼茫色，送却吟眸與醉眸。

促柱么絃不忍彈，驪歌頻唱且盤桓。
破除往歲名心易，排遣今宵別緒難。
京國去留皆失意，天涯風雨各加餐。
何時春水鷗盟續，重整滄江舊日壇。

己卯閏夏送子履南歸卽用留別韻四首之二

黃安濤

江南煙水入歸心非爲名場感慨深
吾道未疑孤羽翼此才端恐老山林
儒官雖冷猶堪試春夢能醒莫再尋
珍重離亭無限意落花風裏酒同斟

雪中乘興記披裘冉冉流光又
麥秋擊筑碎琴磨俠氣歌詩讀盡洗羈愁
一麾我亦行將去二頃君須早自謀
林下何時共幽討剪燈相對拭吟眸

子履孝廉將出都門以詩送別

順德黃玉衡

鶯花幾日眼中忙別恨還隨春恨長
早識搏沙難久聚獨憐抱璞尙深藏
卜鄰我願同王翰艸牘人誰薦孝章
惆悵詩壇少牛耳那堪五字賦河梁

紫陌看花事已非高歌青眼送將歸
共知材大難爲

用不到貴來方悟希靈鳳聊爲棲枳計翔鴻還望刺
天飛杏園消息遙相報莫戀春盤苜蓿肥

送盛子履孝廉歸里

丹徒 錢之鼎

鎮洋先生盛子履文章震動公卿間青衿向老脫不
得軟塵撲髻縮蒼顏往昔相思未能見幾度都門終
隔面今聞例得冷官作苜蓿盤開傷鄉縣匆匆行李
擔半肩布袍托落將南旋奎光照入磨蝎命鱣堂一
片仍寒氈可憐吾友劉蒼林天涯三載抱病深功名
夢斷故鄉遠歆眠破屋空呻吟同里偏君往來數藥
裹駢羅爲叅酌長途足繭飢腸迴坐到城陰日垂脚
先生之行不自由蒼林臨別心黯愁先生欲行雙淚

流欲行不行且復留解裝探篋空敝裘出門徧與朋
好謀東尋潞河先買舟停鞭款戶笑語劉我今直與
子行耳旅懷忽暢病可瘳竺君徘徊爲揮涕正竺君有送行
序陸子神飛慕高詭謂子男兒有才同不第助君扶
持定歸計北風吹帆大船走到家門前挂秋柳月滿
平湖杯在手

端午日津門舟次用丁丑集陶然亭韻答陸孝廉

元文 劉明經 應鈞

連床聊遣客懷孤懶散心情倩酒扶嵐影乍從空際合車
塵漸喜此間無一痕水浸千堤柳五兩風迎十幅蒲節候
驚隨蓬鬢改閒來且繪卧遊圖

舟中話雨聯句

一身無長物歸夢入煙濤風雨當今夕江湖共此心

陸元士大聽

銜饑鼠瞰匣劍瘦龍吟海近岬容澗山遙雲氣深

陸元士大沙

痕浮野色人語雜潮音轉漕來成市連橋望若林

陸元士大前椿

移禿樹後柁沒蹄沔風豈驕帆蠶泥偏困壑鱗

陸元士大斷橋橫

絕澗窄港閼層陰赤壤平疇衍黃河故道尋

陸元士大歌憂瓠子

決錢枉水衡侵萍梗嗟離合桑田變古今

陸元士大策終懷賈讓

檄暫擬陳琳

時舊林抱病故用檄愈頭風事却癘符縣艾延齡籠貯蓼

陸元士大

先秋蘇病骨避俗滌煩襟吾道貞潛璞朋交幸盍簪

陸元士大文川

涂思渺渺脾堦信沉沉堪嘆相如倦裝虛買賦金

陸元士大

天津橋酒樓歌

有客招我天津遊與我共醉天津樓長橋如虹高百尺對
此豪興凌滄洲蓬萊山頭海雲吐飛入空濛半樓雨紅闌
六曲酒幔青燕姬琵琶趙女箏陽阿歌發柘枝舞曼睩醜
顏嬌不語美人遺我雙佩璜僊禽忽下天風翔神光離合
不可近欲渡海水愁無梁青山畫圖一放眼天上明河水
清淺狂客如逢李謫仙有酒且酌杯中滿

丁字沽

維舟丁字沽返照入平蕪野岼碧無盡水雲青不枯酒村
喧褰飲魚市易償租借問遠行者何如垂釣徒

青縣雨泊用竹垞韻

小雨暑不洗客心愁益紛遠山平楚合一水直沽分海氣

卷簾入潮聲拍岸聞鄉書消息斷天末盼吳雲

曉發東光縣用竹垞韻

蒼茫平野望草色亂青袍海日收殘霧天風起怒濤荒隄
川路杳古壘陣雲高恐有哀鴻集矜人孰告勞

東昌懷古

師行兩日讖先成燕啄王孫大厦傾鼉錯立功罹赤族謝
安坐鎮悞蒼生將軍已奉勤王詔孺子猶存叔父名廢壘
荒寒餘馘骨城濠流出斷腸聲

阿城進牘遇順風作歌

入秋已二旬天氣尙炎酷南風五兩阻歸程欹枕倦卧苦
蜷局忽聞林木動颼颼曉起風利舟行速水門狹止容二

船曳尾魚貫諸船連十人九人拽巨索飛鳥陡落波中天
待牖行行復止止飽挂輕帆自今始世途順逆本無常欣
戚無端乃如此秋風送客勞勞亭齊州九點青山青遠郊
無人日色澹白楊颯颯雲冥冥問我何爲去鄉國俯仰身
世憐飄萍歸期屈指九月近無事便合柴門扃柴門落月
三更夢風雪天寒笑開甕

分水廟

伯勞飛燕悵分離讀曲橫塘待月遲欲把郎情比流水愁
懷付與弄潮兒

濟安臺

濟安臺畔古松龕樹色青迷屋後嵐十里陂塘荷葉雨初

秋風景似江南

濟寧卅次

高柳動涼思衰荷生遠香水浮人影碧岬迴夕陽黃客路
秋將半愁心夜漸長蓬牕欹枕卧飛夢到江鄉

夏鎮

征帆飛鳥外落照亂峯間天地秋聲肅江山髯雪斑孤鏡
殘藁削空篋敝裘還千里鄉關樹青眞約可攀

行過嶧縣望充徐諸山

萬壑隱靈秀層嵐變態奇山川環魯甸風雨蝕秦碑獨有
遠行客正當秋霽時孤桐翠微合涼韻入吟思

八月晦日自都中歸作詩示瑛兒時余將蒞山陽

學任

家書寄京邸書至當暮春入夏理歸計買舟辭析津川涂
愆遲綿屈指過十旬仲秋之晦日清晨達吳門三歲不見
汝見汝含酸辛汝婦悼徂逝汝病還纏身執手各嗚咽淚
落同沾巾收淚作笑語漸漸安心魂一歸釋百憂萬事何
足論理我頭上髮拭我衣上塵開我篋中書勸我盤中殮
盤殮問誰辦謝汝館主人暫留信與宿消此酒數樽秋風
卷簾幙仰望新月痕百里婁江水鄉樹環煙邨一櫂夜抵
家懽會呼朋鄰三徑雖就荒叢菊依然存家人坐團樂情
話忘晨昏弱女髮垂肩幼兒頗能文挽鬚競嬉笑不忍加
怒瞋汝亦愛弟妹藉此娛衰親居家甫一月命駕淮水濱

家累苦牽率亂絲泊益勞從行獨賴汝趨侍夕與昕朝謁
韓侯祠暮尋漂母墳春潮射陽湖新綠波粼粼枚生故宅
荒煙浦餘殘雲七發療汝疾一望怡我神此邦地雖瘠官
冷休嫌貧蘭茝不蕪萎桃李懷芳芬游魚樂在沼鳳鳥招
其羣勗汝養鱗羽珍重爲傳薪京華冠蓋盛吾意甘沉淪
浪遊絕後悔收拾滄江綸南歸自休憩此樂關天倫顧汝
一把盞陶然飢醪醇

示次兒徵琪

骨相憐渠弱文章喜不庸家貧當洒掃客至整儀容里塾
曩書慣師門負笈從親朋勞誘掖誇美謝超宗

吳門曉發留別黃亦宋茂才

景濂

卽題其近作詩

卷

文采不外露性情殊俗流無雙江夏士高詠故園秋客權
河隄沒危檣霧氣收別君淮上去莫散酒邊愁

留別畢季瑜丈卽次送別韻二首

擲揄道路笑儒酸榜散應慚稱職難未改寒墮勤課學久
虛塵夢懶求官綠陰門掩蓬蒿徑清味盤分苜蓿餐白首
故人勞慰藉一尊風雪盼江干

射陽湖畔水雲居擬卜田廬學種蔬多恐河流爭似駛忍
看廬舍盡爲魚纔拋席帽驚秋晚又挂蒲帆逼歲除買賦
黃金何處覓文園淪落病相如

送子履赴山陽學任

畢憲會

送君此去朔風酸
聞說河流道路難
肉食纔堪爲俗吏
素心端合作儒官
秋濤八月枚乘筆
淮水千金漂母餐
試向月波樓上望
吟成星斗夜闌干

學舍舟居是陸居
盤餐苜蓿當園蔬
未妨杜甫嘲梁肉
莫測黃公市坐魚
地近鹽城終瘠薄
歲逢澤國仗蠲除
由來治事兼經義
安定規模豈不如

江上晤董琴南編修次韻答東四首

長楊誰解薦雄文
鍛羽天涯失故羣
吳會鶯花頻憶我
江關風雪又逢君
荒隄滅没干邨屋
野樹微茫兩岬雲
夜半扣舷狂起舞
酒邊懷抱許同分

淮北危隄築未成
蓼花洲畔石梁橫
拍天水抱魚龍氣
卷

地風摧木葉聲同話萍蹤當歲晚相看華髮更愁生期君
一展匡時策莫戀名山學向平

升沈時數杳難憑我已名心冷似冰魂礪胸懷千日酒零
殘詩卷一孤燈游魚只解潛淵樂逸驥齊誇上駟騰獨有
窮交風雨共許聯皮陸賦松陵

篷牕吟緒爲誰撩瓜步山容入望遙江口夕陽橫北固石
城遺恨話南朝朱門廢壘憐巢燕粉堞高樓夢射雕車笠
他年重會合題詩莫負片言要

原作

董國華

尊酒宣南記論文三年江海竟離羣匆匆小艸渾憐
我落落寒氈差慰君人事共誰商未雨心期敢自托

閒雲只餘夙尙留山秀寄語煙蘿席願分

寒逼孤篷夢未成清懷萬感便縱橫中原已抱其魚
痛四野驚聞有雁聲往日老謀求故道祇今前席爲
蒼生艱難正是吾曹事與爾高歌寫不平

聚散萍蓬若有憑蕭然形跡證清冰鶯花韋曲三春
夢風雪江干並舫燈愁裏文章仍跌宕眼中流輩儘
飛騰新詩字字匡時史風格沉雄到杜陵

回首鄉園別思撩春暉深護艸心遙自綠菽水千微
祿終覺漁樵負 聖朝碧樹三霄曾借鶴高雲千里
欲盤雕平生期待卑温飽肯爲浮榮誤久要

舟行雜感八首

烏榜腥風撼怒流東南民困費持籌山城崕窟千條瀑水
國村廛一葉舟拜爵有人謀納粟上書無計善防秋哀嘯
中渚悲羣雁梁肉豪華耀五侯

千檣估舶萬邦通赤緊江南郡最雄內府空頒錢幣賞中
原誰奏決排功龍鼉亦厭濤聲惡魚鳥猶疑地脈窮搔首
天閭雲漢隔詩情付與亂流中

十里朱樓廿四橋霜隄楊柳曳枯條攬衣欲坐中宵月拍
枕俄驚兩岬潮棲樹鷓鴣思飲啄處堂燕雀任飄搖魚梁
鐙火連瓜步南望江關路漸遙

秦郵堰障聽潺湲滅沒蒲帆落照間古樹雲平如覆掌遠
山天霽乍開顏巢居到處民廛少水滂頻年物力艱身世

茫茫誰共語祇應長伴白鷗閒

朔風淒緊雁來初倦倚蓬牕夜檢書橋影一篙新岍插水
痕三尺舊田廬繡衣使者巡行徧玉幣陽侯禱祀虛聞道
長官勞瘡淪肯隨太史問河渠

直北關山接莽蒼桑乾湍惡慎隄防高原煙嶼層城沒平
地風檣一葦杭榆葉雲容迷塞嶺竹枝水調似江鄉舊時
駿馬臺邊客觸撥愁懷酒半觴

少學雕蟲愧壯夫中年身事更疎迂生花已斷江淹夢橐
筆偏工鄭俠圖鄜注偶誇輿地熟杞憂會補濕天無狂瀾
欲砥中流柱管見書生笑太愚

閒來戢影廣文瓊料理園中苜蓿盤只恐心情多懶癖底

嫌風味太寒酸侯門客散千金易市舍人謀一飯難差喜
談經兼課子一燈銜徹漏聲闌

射陽學署有懷彭甘亭

綠陰門巷兩家春風雨無端別恨頻淮上暫栖將倦翮天
涯仍是未歸人誰傾肝膽稱知已不賦窮愁亦愴神二十
年前吟眺地放翁團扇墨痕新

甘亭於丙辰丁巳間
客淮距今二十餘載

學舍題壁

岑寂荒齋一冷官送迎禮數本來寬間消濁酒春前釀靜
倚孤燈夜半殘倦羽也應屐擇木苦蟲豈合慣號寒侯門
大有吹竽客迸斷朱弦未肯彈

蘊悽閣詩集卷第十二

鎮洋 盛大士 子履

庚辰

陳雨峯都督

隋平

以戎政芻言見示作歌代柬

國家承平二百載盡鑄劍戟歸耕耘綢繆牖戶未陰雨卓
哉惟有陳將軍談兵決勝千里外紙上拂拂生風雲變通
古制訓車戰推挽趨捷驅飛輪隻輪小車峙糗糒裹載甲
仗聲殷麟每輛上設連床弩旁貫鐵索垂輪困籬障六尺
寬五尺生牛皮草纏其身怪鳴巨獸繪五色列陣鱗次成
城闌踰岡陟嶺絕險阻所至萬馬齊騰奔悲風蕭蕭白日
暮天地慘澹飛黃塵河水寒嘶傷馬骨草枯蓬斷沙無垠

將軍訓練勤撫循乃與挾纘同其溫憶昔鹽臬胸海曲馬
陵山下傳寇氛四千餘人踞古寨如蟻集陣如蜂屯官軍
緝捕冒鋒鏑營壘徹夜嚴防巡一麾奮臂賊股慄下馬羅
拜驚天神爭投兵械鳥獸散惡臬盡化爲良民干城倚毗
天寵渥

賜翎晉爵銘殊勲淮東移鎮威望著投壺儒雅何恂恂一
編戎政備蒐採將軍嫻武兼能文嗚呼安得將弁盡如陳
將軍作詩敢告同官聞

題陳都督

階平

投械歸農圖册

有引

兩峯都督爲海州參戎時捕緝私販甚嚴一日猝遇臬匪
聚衆抗拒乃大集兵士面授方畧更番迭戰羣醜皆望風

披靡俄有劉廷燕等叩軍門呈繳兵器願歸爲農都督許之未幾投械來降者相繼不絕境內肅清州人繪圖賦詩積成卷帙庚辰之春余在淮上都督持冊示余因作詩以紀之

梟馘游氛靖海隅盡歸阡陌勤輸租共傳楊僕新持節曾識終童舊棄繻芄野露濃春挾纊柳營風細夜投壺從今褒鄂功臣像合繪郊圻勸稼圖

答訪程禹山孝廉 虞卿 不遇

憶曾花下啟蓬扉長者停車話夕暉袖裏詩篇期共賞客中蹤跡易相違園禽漸識春聲轉庭草初含雨意肥道左若教重邂逅折巾風過認依稀

達厚庵茂才麟題予所畫春山花嶼圖次韻答東
翠微深樹隔花溪紅雨繽紛望眼迷吟倦有人眠未起曉
鶯何事盡情啼

次韻酬李少白茂才

續香

慧業前身擅捫胸星斗高文章真氣骨才望古賢髦乍爾
交傾蓋溫如醉飲醪感君風誼篤珍重贈言叨
太白驚人句平生我鑄金青山自終古絕調少知音一字
推敲細十年甘苦深非君共商榷誰識起衰心

雨廳書悶

盡日陰雲布冥濛霧不消花容生黯慘風色太蕭條詩卷
留天地親朋嘆寂寥韓侯釣臺下蔓草綠圍腰

河伯靈誰乞支祁久逞狂鬼狐形變幻妖魅讖荒唐

近聞武陟

工次訖言繁興

洪澤危奔注長淮患預防

至尊勞肝食何日

奠懷襄

穀幣輸官府功名奮遠猷亦防名器濫暫釋度支憂聒耳
聽噉雁關心問喘牛如何賢宰輔先事失綢繆

鷓鴣聲不斷聽雨攪愁腸索處成余懶招羣笑客忙荒墳
漢漂母古廟楚元王曠世心相感臨風奠一觴

禹山孝廉招同達茂才

麟

田茂才

純春

許茂才

祁集飲文津書院歸賦長句奉柬

淮陰寓客程夫子足跡蕭然遠塵市厚庵居士大雅羣約
我放櫂來文津田生許生亦勝侶講院春風劇笑語座中

懽會盡素心盤殮未熟杯先斟主人豪興自清發不飲何
爲醉兀兀海內文章絕等倫江關詞賦仍蕭瑟憶君睵髮
扶桑東澄海樓上垂晴虹一朝掉頭不肯住釣竿夢拂珊
瑚紅僕亦諸侯老賓客酒徒燕市生悲風江湖淪落三十
載畱此心跡千秋同卽今同作南歸客君亦垂垂鬢痕白
春草重尋漂母祠秋濤何處救生宅鉢池山翠環煙汀渚
蒲淺白榆葉青狂花滿屋落片片時鳥繞樹鳴嚶嚶酒人
醉歸日色暮重覓扁舟問前渡願借溪頭釣石磯結字從
君此中住

子履厚庵梅溪蔡溪集飲文津子履爲作文津雅集
圖並繫以詩卽次原韻

天長
程虞卿

此生合是煙霞子却厭小人居近市廿載飄零旅雁
羣倦飛息羽棲文津賴有聯吟韓孟侶妙諦著花花
解語新知幸更得同心春迂蕭齋酒漫斟子履先生
清興發過訪詩篇畱窅兀小艇重來抱一樽天邊仙
樂聞瑤瑟惠美醞並
示近製銅絃鐵板大江東驚看吐氣垂
長虹酒人擊節發狂叫叵羅一吸珍珠紅西園公子
亦磊落笑談幽襲叢蘭風於此慷慨復弔古吹臺當
日毋乃同清尊小聚天涯客歧路看人雙眼白南村
莫話柴桑居草堂不是花溪宅與君策杖行蒲汀好
倩妙手傳丹青就中繪友得友趣風詩伐木歌嚶嚶

回首林陰日將暮相送移舟向前渡圖成省識畫中
人一片煙雲容我住

春柳用漁洋秋柳韻四首

短長亭畔繫吟魂映水朱樓晝掩門夕照昏黃微弄影遠
山新翠澹畱痕渡迷桃葉疑無路里近柴桑別有村朝雨
渭城歌送客笛中幽怨與誰論

毵毵青髻未成霜十里長堤半畝塘燕剪乍垂金纓帶蝶
衣剛展翠雲箱楚宮歌舞朝還暮江表風流謝與于離恨
若教春綰住冶遊重問大功坊

掃眉才子綠綃衣午睡春慵舊夢非花塢雲深鶯語細水
簾風定客來稀六朝故苑層陰合三月輕寒小雪飛漫羨

靈和恩寵渥軟塵十丈素心違

愁絲無力最堪憐冷節家家說禁煙池館幾回閒徙倚旗
亭一色共芊絲浮萍水面餘陳迹芳草天涯悵昔年孤負
噓枯春信好綠波南浦碧雲邊

六月二日招朱礪南

約

成盥蓀

儻

邱月樓

彬

達厚

莽麟

李少白

續香

李子茫

友香

同集學舍之一枝

巢分得五言排律二十韻限身字

倦翮淮陰市巢栖冷宦身世稀青眼客座有素心人氣誼
諸君重行藏賤子陳雄心拊髀肉浪走困風塵月自他鄉
白花非故里春飄零老王粲願頤病崔駟詞賦哀箏氣亭
臯落葉辰一帆江渚口半載射湖濱吏隱甘岑寂匡居守

賤貧裴王門巷近嵇阮笑言親北地聯今雨南村訪逸民
成仙琴韻古邱氏錦箋新二李無雙士高歌並入神呼兒
弄柔翰逃暑醉清醇逕曲蟠蒼蘚簾疎引翠筠陳蕃應下
榻王翰許爲鄰儘可忘形迹何須辨主賓遇窮能作達道
屈敢求伸鵠譽誇羣俊鷗盟證夙因酒懷爭跌宕洗盞酌
千巡

暑窗卽事三首

寥落不成宦疎狂與俗違豈煩詹尹卜已息漢陰機逝水
流光速晨星故侶稀蹉跎年五十始悔半生非
火繖炎官赫衣冠懶詣人好書隨意檢涼氣入懷新徑僻
青藏樹簷低綠倚筠何須執扇障却少庾公塵

一椽官舍冷况味野人家桐葉引秋爽榭枝餘晚花牖通
雲氣人帳卷月鉤斜夜卧星河迥如乘博望槎

得黃小舟侍御宿古藤書屋見懷之什次韻答寄
愁裏光陰客裏過酒懷難遣悶懷多偶吟細雨簷花夜小
坐清風竹石坡淮北河隄驚有雁江南澤國嘆無禾日邊
書札勞相憶破涕緣君一放歌

黃小舟侍御香鐵孝廉自都門南旋過訪射陽學
舍卽事成詩

一年風雨記分襟千里江湖托素心詩卷互看題歲月神
仙原不怨商參袖攜諫艸霜芒肅櫝韞明珠夜氣深去去
天南少鴻雁郵亭莫遣帛書沉

舟過淮安子履招飲於學署別後賦寄

黃玉衡

未向江湖作散仙已將臺省讓時賢一官獨喜攜蘇

過

令子小
雲隨侍

三絕誰憐繼鄭虔卧樹輕雲詩老夢簷花

細雨廣文瓊琅玕个个環虛室絕似藤陰話去年

風雨沉沉暗驛亭高歌神鬼入孤城側身天地詩篇

在極目江河涕淚橫感事憂時如漫浪清尊白髮話

平生明年淮水重相訪一聽停雲大雅聲

君近轉停
雲歸雅集

爲香鐵題天際歸舟圖

繫纜津亭訪我廬一尊餞暑早涼初臨行不敢傷離別爲

聽慈烏想倚閭

李少白齋中同人集飲分賦淮陰古蹟余得宴花

樓晚眺五絕四首

宴花樓唐時郡太守宴新進士于其上見山陽縣志

繫馬大隄上醉宴南樓花夕陽城外樹春色落誰家

長安雪作淮海花如雪何物作酒籌一枝爲君折

東華人倦遊倚杖一登樓芳草窮遠目夕陽生古愁

棠梨野人扉鬢頭春釀熟別開牆角花亂紅滿茆屋

少白齋中分賦萬柳池七絕二首

鐵嶺達麟

載酒無人往聽鷓鴣棟花風過畫樓西祇今煙雨空濛

處省識當年舊柳堤

荻葦蕭蕭正暮天落霞還照隔溪煙關心最是蘆汀

雁迢遞南飛又一年

秋夜懷盧荅湖明經

湧

卽題其詩藁

開卷得知已識君恨我遲深嘗甘苦味獨寫性情詩老樹
枝無醜一邇寒不知三秋淮海月長繫別離思

君館
海州

寄程禹山

真卿

對此一庭月如何不憶君天寒孤客夢星散酒人羣禿筆
老猶健狂名我欲分蒼茫寫懷抱憑眺鉢池雲

海內爲長句先生筆有神江湖銷壯志風雅得傳人呼飲
儕邨叟幽栖遠市塵天將閒歲月付與著書身

出郭偶感

清淮水千尺寒照月光皦韓祠旣榛莽枚宅亦荒艸纍纍
道旁墳子孫幾家保上有古松栢虬枝環十抱似聞地下

語羨爾蒼顏好疾颺卷林籜啾啾亂啼鳥匪具貞勁質柯
葉摧頽早人壽不滿百百年亦易老海上芝九莖容華不
枯槁

答寄陸孝廉

我嵩

見懷二首

閒身但覺酒腸寬冷澹心情老一官三載久經離思積今
宵忽展尺書看每聽絲竹傷懷易欲合雲龍會面難憶昔
春明君話別落花如雪馬蹄寒

衰遲無意戀名場料理裙襦退士裝薄宦豈應嫌落寞狂
歌仍欲逼青蒼鷗羣夢繞三洲樹鶴俸貧分越宿糧高詠
君詩望星漢似聞天半叫鸞鳳

望雲圖歌爲范茂才

學誠

作

范松江人
客于淮上

飛嵐一片青欲攀煙鬢滅沒虛無間出我胸中自具之邱
壑畫君眼底不盡之雲山雲山千里渺莫辨定有詩夢歸
江關恍對庾公峯隱隱又聞圓泖流潺潺黃葉村邊夕陽
暮此是君家釣遊處遠樹長縈別後思舊堤記得來時路
去年花發淮陰城布帆不動春雲平何事流光感遲暮白
蘋兩岫秋風生鱸魚作鱠尊作羹饕餮家釀杯中傾天涯
節物非故土高秋雲氣殊淒清我家紅樹溪雲裏只隔吳
淞一江水客裏相逢各黯然望雲共引鄉心起一幅秋林
淺絳圖似聞漁唱出菰蘆閒雲台向溪邊住我亦煙波一
釣徒

寒夜偶成次禹山韻

澹白光凝屋角霜宵闌虛室暗生芒不風木葉自蕭瑟有
路星河空莽蒼四壁苦蟲吟卧榻一鐙飢鼠竄鄰房思君
應覺清輝滅紙閣寒多漏正長

壯心都付水東流鑄鐵誰教合六州一夢纔醒青玉案十
年早敝黑貂裘扁舟擬釣寒江雪遠道休登落日樓三徑
已荒時序晚且餘花色上簾鉤

散髮翻其下海東生涯禿管蠶書中已迷汗漫騎鯨路莫
怨差池退鷁風寒氣慣撐詩骨瘦豪情肯放酒杯空遲眠
試倚中庭月寂歷荒齋似梵宮

曉行

唱曉村雞遠近聞寒潭猶照月平分卷沙地撼層城樹釀

雪天低兩岼雲策蹇何人同索句出林有鳥自呼羣奚奴
負笈勞行役濁酒沽來且共醺

喜成盥蓀儻重至淮陰小齋過訪卽事成詩

江上青山管送迎相逢重把舊詩評最憐秋燕仍爲客却
喜寒鷗不負盟到處煙雲畱畫藁經冬竹栢見交情別來
夢雨扁舟夜愁鬢新添雪數莖

風誼如君古處敦素車馳唁淚聲吞每隨病馬悲嘶影又

聽慈烏愴斷魂君寓李少白齋中
時少白丁母憂急難友生盟白水寂寥

賓館話黃昏匣中劍缺寒芒肅珠斗中宵手自捫

南河聞說靖狂瀾猶聽風聲湧急湍卒歲頻年生計拙感
恩一飯古來難經霜細草愁絲綰傲雪疎花倦眼看除是

貧交晨夕共，只須高卧學袁安。

浮沉羈宦故交稀，補屋牽蘿願已違。
江樹那堪淮浦望，渚鴻况近夕陽飛。
無聊我暫開蓬徑，不速君來扣板扉。
隙地新鋤寒菜好，酒邊爐火醉同圍。

柬蕭樸生明經

光裕

湖海爭傳穎士才，十年懷抱爲君開。
相看風雪殘鐙夜，同嘯蒼寒古釣臺。
翠袖應憐倚修竹，青衫未合老荒萊。
寂寥門巷車塵少，只愛尋詩策蹇來。

一畦寒菜綠陰稠，莫問英雄幾豫州。
酣酒敢辭無算爵，狂歌欲上最高樓。
江湖心事芒屨在，吳楚雲山畫藁收。
君亦工愁類吳質，相依畧似水邊鷗。

錢鶴山孝廉自都下南歸訪余射陽學舍卽事賦

贈

涼風天末動愁思握手驚看兩鬢絲
遠別音書經歲隔倦遊情緒一鐙知
生涯我尚營羈宦歸計君須問釣師
北固山青江月好可能招隱寄新詩

曉起尋鶴山於西城旅店

沙隄艸淺淨無埃郭外人家戶未開
千里鄉關愁思積一天風雪故人來
漫憐好夢全非昨自合名山有此才
宿鳥林端垂翼去閒身肯許共追陪

招鶴山小飲學舍卽送其歸京口

未肯平原十日畱且傾濁酒暫澆愁
銷魂黃葉斜陽樹送

客青山古潤州京洛風塵蘇病骨江關雲水洗吟眸天寒
莫嘆貂裘敝好景奚囊句盡收

千金亭懷古

一飯猶思漂母恩杯羹甘受是何人窮途感泣因知已國
士功名足悞身亭長南昌慚拜賜君王雲夢僞行巡酬金
不負平生諾鐘室含冤竟莫伸

同人小集一枝巢餞禹山孝廉歸石梁

鷗羣水國夢蒹葭節物關心感鬢華草草客中爲地主勞
勞亭外卽天涯平臯笠影雲如墮遠岫鞭絲樹欲遮歸去
若教逢驛使一枝花月正橫斜

青瑣紀夢詩八首爲焦茂才

承秀作有序

青氈紀夢一編射陽焦文甫茂才所作夫其蓬門寂歷屋
小子舟蓮箭迢遙燈昏如豆月沉沉而鞞彩風瑟瑟以生
愁四壁聽蛩數行走蠹未除綺想聊托夢遊情方顯而彌
深境以真而愈幻贈汀洲之芳杜遠別誰憐問山上之蘼
蕪故人安在銀河昨夜路隔紅牆桂楫何年槎迴碧海千
圍步障艷歌則玉笑蘭啼一掬珍珠哀感則香枯竹裂生
來仙骨具裁雲鏤雪之思僕本恨人彈促柱么弦之響庶
幾睠懷靈瓊共此素歛凝望華胥同深愴况云爾
別有寒生翠袖邊且將感遇續游仙流黃慣織迴文錦伴
月閒尋種玉田何處紅牆勞遠望每臨青鏡悵華年座中
執戟誇夫婿走馬章臺亦可憐

梔子簾前曳珮璫梨雲一枕想衣裳當壚酒熟娛長夜有
國春來集衆香神女故應居洛浦遠遊何事怨蕭郎情癡
欲鑄金爲屋恨少明珠十斛量

綠綈字點墨痕新前度瑤池會列真傳語東皇遲授簡捧
心西子早工顰只因花睡濃于酒羸得春愁細似塵憶昔
橫塘曾問訊垂楊繫舫去來頻

掃眉才子女尚書合伴相如賦子虛蕉色青餘香吏案桃
花紅到謫仙居新聲北地工瑤瑟舊院東風走鈿車日出
城隅樓閣曉使君五馬立躊躇

未須投筆羨封侯仕宦金吾志易酬無那鷺花江渚晚又
驚風雨茂陵秋柳窺青瑣和煙織草濕紅心滿地愁付與

哀蟬吟落葉 一生情緒爲勾留

似聞廣籟奏雲咸 內殿昭儀捧玉函
花色瓊瓏天女珮 春痕黯淺酒人衫
傳來樂府題長信 是處瓊樓署隔凡
坐臥不知紅日暮 畫梁雙燕自呢喃

闔苑層城路未遙 飛來靈鵲自成橋
但看溝水流花片 不信鮫人染絳綃
黃竹女兒箱疊錦 綠鬟侍婢玉吹簫
縱教金粉歸空色 綺業平生底肯消

艷曲新翻子夜歌 闌干斜倚奈愁何
舊時流水行人去 遠道傳書好事訛
春雨青青河畔草 秋風嫋嫋洞庭波
尊前大有飄零感 如許容華瞥眼過

以羊脯饋盥蓀并贈以詩

樵蘇不爨荒齋冷
博士焚焚抱孤影
饋食誰分公膳雞
圍爐漫說官廚餅
山膚豢豹臙且腴
朱門上客謹歌呼
三星鑷首鮮可飽
腐儒畧潤枯腸枯
道逢成連東海客
願築糟邱浮大白
羝腍熟作吳羹和
以酸鹹厚肥澤吾
曹口實惟自求補
牢悔不工營謀騎
都尉與關內侯觸
藩羸角殊堪羞但
得園廛聊補葺三
百維羣荷蓑笠歲
時伏臘招親朋草
草杯盤慰岑寂君
不見秦相功名五
穀皮中年憔悴憶
烹雌何由醉卧黃
梁熟叱石頭遇牧
兒

題陸春堂

從星

空谷足音圖

陸生澹岩人隨分愛恬適
心如古栢青眼任俗子白
朝辭鍾吾城暮爲射陽客
避地計亦踈集木慎所擇
幸托親串

家素心慰農夕梅花仙眷屬偕隱蓬蒿宅白駒賁然來食
我場中麥足音下空谷渺與塵網隔樂哉圖中人心遠地
且僻披圖忽三嘆百感胸臆積猛虎藏深山潛蛟蟠大澤
君今何所之身世太偏仄危岡蹶輪蹄長林鍛羽翮黃河
波浪險變幻在咫尺跬步豫防患風霜戒行役此間大可
樂况得友朋益千尊四座傾一笑百憂釋毋吝金玉音荒
齋竚移屐

鉢池山丹竈

不辨神仙蹟煙光入杳冥雲迴千樹碧山削一拳青乘鶴
去不返吹笙何處聽長松風謾謾我欲借清冷

開元寺枸杞井

止水一泓碧僧房十笏寬釀花香聚液滴葉露生寒石
層陰合藜床獨坐看延齡推上藥好共菊英餐

尋顯忠廟遺址弔宋開府儀同三司趙忠烈公立
一呼奮臂集流亡重鎮淮陰捍敵強諸葛空謀守綿竹
賀蘭無意救睢陽荒阡月落颺颺走古堞霜封草木香
何處顯忠留廟食我來憑弔獨旁皇

過北神堰弔韓蘄王楊國夫人梁氏

織葦村民習土風當年宣撫駐淮東樓船汴水軍容墨桴
鼓金山戰血紅憂國癯顏消粉黛閉門蓬首泣英雄蹇驢
已赴刀環約黯慘旌旗落照中

厚庵招瑣兒食臘八粥瑣兒爲余索粥因復饋至

學舍作詩謝厚庵兼示與兒

清晨門甫開君家粥已熟兒子出舖糜頗稔吾所欲殷勤
爲君請一瓢亦已足侔來惠橐餽鼻孔飭香撲滿貯錡與
釜欣然果吾腹十年迫飢寒風雨破茅屋乞食吳門簫浩
歌燕市筑畀我一飯緣盤中此首著聊辦腐儒餐不受黔
敖辱吾曹澹泊志羶腥獸梁肉君無二頃田僕無一斗粟
同登古釣臺形影慰笑獨西風砭肌骨僵凍苦拳曲殘年
圖一飽餘糧啜半菽倘剩杖頭錢更可醉醅醪料理五辛
盤詩會請復續

邱月樓茂才彬招諸同人集十一聲山房作消寒

之會分得憶梅七律二首

斗轉參橫繫我思，水邊籬落記尋詩。
半林斜月懷人夜，去歲荒江話別時。
路識孤山春信早，香銷紙帳客眠遲。
燈前舊事多振觸，冷澹心情竹石知。

江南煙水夢魂勞，翹首霜禽下隰臯。
綠綺聲中誰解語，翠微天末若相遭。
故園生意回殘鴈，驛路歸心折大刀。
竚想容光慰疇昔，星河遙夜共澄高。

東坡生日招諸同人集一枝巢賦詩分得七律二
首用坡翁尖義韻

新詩百態鬪穠纖，誰識坡公紀律嚴。
千古文章交有道，一生刻劃媿無鹽。
偶邀佳客開幽徑，獨笑寒花倚短簷。
欲做髯劉松鶴意，酒邊呵凍試毫尖。

東坡生日劉景文以古畫松鶴爲壽又髯劉已到城

南隅亦

見蘇集

城垣樹色暗藏鴉窮巷紆回雪碾車秀句何人出寒餓高
歌有客醉風花殘年頗占清閒福壽世還期若述家禁體
聚星追勝賞銅壺漏盡手頻叉

一枝巢中招集諸同人作東坡生日適屠壽補明

經璜未獲在座翌日以詩寄示率成長歌答東

赤水詩翁大雅羣天教玉局爲前身我居巷南翁巷北好
似無着逢天親鷓鴣巢栖一枝穩稱觴坡老之生辰圍爐
團坐十一人不辨誰主誰爲賓草草折簡不徧及翁意毋
乃微生嗔忽聞叩門響剝啄小奚馳遞詩篇新座中傳弓
誇衆客天上鼓角飛將軍髯蘇下手風雨快翁亦星宿當

胸捫詞源忽翻瘴海浪仙夢已落黃州雲孫莘老與劉景
文尚友異代通精神沉檀小像禮仙佛和南弟子心香焚
獨鶴南飛去不返髣髴清唳空山聞一尊臨風寫肝肺掉
頭聆髮滄江濱東南壇坵久寥落翁也追步前賢塵况復
小阮最清發謂蕪洲明經共拍銅斗忘昏晨我雖曹鄴附庸國
願作東道通齊秦窮愁歲歲祝長健苜蓿豈厭荒厨貧請
翁入社執牛耳一笑大醉辛盤春

寄京師友人

鵬鶚英姿迥出羣一聲清切禁垣聞求言前席 恩光近
待漏中宵諫草焚見說廟謨咨汲黯豈因吏議譴朱雲諸
公侍從媿文學慚愧人誇翰墨勲

懷汪厚夫太守

故人東海上風雨憶淮南
眠食慰無恙清狂性共諧
宦情中歲澹道味一生耽
寥落應憐我詩成孰細參

淮陰歲暮

城樓鼓角夜嘶風盼斷天南
數點鴻長劔十年餘故我衰
齡半百已成翁馬卿癩病文
難買阮籍踈狂路易窮不盡
蒼茫生百感苦吟寒坐一燈紅

禿樹巢禽凍不飛拂簷濃雪自霏霏
詩心已共冬心瘦風力還欺酒力微
有客吹竽爭聒耳何人垂釣學忘機
但須飽喫殘年飯塵事休談是與非

蘊懷閣詩集卷第十二

男徵璵校字

後序

吾師婁東盛子履先生秉鐸吾邑之二載以所著蘊懔閣詩集屬肇祁校讐將以壽諸梨棗先生於學無所不窺上下今古源流畢貫其爲詩激盪靈闕陽開陰闔如神劍之鋒萬辟千灌如唐弓之體參均九和當今海內之士皆知先生爲真詩人固無俟肇祁之贅述也先生風骨峻卓窮且益堅嚴於擇交落落寡合獨至引獎後進不遺餘力往歲肇祁以詩進質辱見稱賞謂其有志於古不隨時俗且言作詩之旨務在讀書明理陶淑情性而不可有一毫世俗之見存於胸中肇祁雖才質駑鈍聞先生言敬志之不敢忘茲因校先生詩而附綴數語於卷末讀先生詩可以

知先生之爲人矣

道光元年歲在辛巳仲冬望日山陽受業許肇祁謹識